

地下也時已飲醜矣俄而毒發遂絕

劉氏太康令張學詩妾也學詩陰痿無子氏祇事不懈柔婉順從侍主母尤謹主母亦深憐之常爲易他婢以息其勞學詩病死氏哀毀不飲食哭絕而甦者累旬家人防之密不得死久之防者稍懈氏遂潛啟柩帷縊死徐氏揚州人蓬州守趙爾守妾也姿美而性嚴正爾守專房寵之爾守死氏取金珠遍賜奴婢曰異日無相忘也竟飲醜卒

王氏辛街里人張實妻年二十二實死無子隣婦勸其易志氏曰守貞婦道也我不可以二天遂嚙指自誓以終身

蓋屋縣志卷之八 列女

聖

徐氏焦培元妻孝廉徐汝爲女年十七夫亡氏水漿不入口翁翁父共爲立後始進食教嗣子成立爲諸生王氏忠烈里民何大錢妻也年十七歸大錢三年而大錢死葬有期矣氏諭備者治幽室令可容二木氏多財而有姿觀觀者俟大錢首卽胥逼之矣於是備者竊笑曰且暮且作新婦何用是爲及柩發之日送葬者方及門而氏已自經柩側凡棺殮之具無不備竟以二木同穴焉

任氏生員孟芳隣妻參議惟一女年二十夫死事姑杜氏有禮後子復死撫七歲幼孫紹祖成立食餼苦節四十年知縣梁騰廣上臺旌其門

焦氏任侍御長子庠生調元妾也天啟三年元疾革氏先期自經於密室所生弱息呱呱在旁曾不顧念其慷慨節烈一時傾動士紳

白氏生員馬翰如妻年十九適馬生家貧恒以女紅佐讀夫病極願氏曰願子無忘吾天及爾天氏曰諾夫死氏盡剪其髮晝績以養翁姑夜抱幼女宿夫柩前有微言勸氏更志者曰窮巷婦旌榮者幾人氏曰吾自不欲負死者耳何用旌爲越數月聞夫兄有成謀乃毅然曰伯命婦嫁矣然婦之夫則伯弟婦之女伯猶子也婦既去葬死育生實伯之事願無忘去婦言遂携其女慟哭拜柩前家人聞之以爲昔志何堅今詞何決或相與非

蓋屋縣志卷之八 列女

聖

議而竊笑焉而氏竟於是夜自經於夫柩側時天啟七年六月也遠近環集觀氏屍藉草枕瓦繩重重繫頸自衣裙至襪履皆針線密縫無寸隙見者咸驚惋泣下稱爲封敬節婦知縣張饒化請於上卽其居爲祠夫婦合葬於祠後

牟氏實村民孟學孔妻夫死遺孕甫七月後生子之梁辛勤鞠養至於成立曾孫遠滕而卒

劉氏新街里民魏嚴妻嚴歿翁年九十餘臥床簞飲食轉側皆氏扶持之孝聲嘖嘖鄉里靡聞

王氏監生趙囑妻年十七歸囑越數年囑死氏撫其前室之子二曰名鼎曰樹善值寇亂播遷鼎復病歿家道

益衰氏督樹善力學得補弟子員三十餘年青裙縞帶  
如一日氏淫陽孝廉王元輔妹屬乃太僕於達子可謂  
不愧其家聲矣

任氏貢生李拱辰僕李信妻頗有姿居小里村爲主守  
別墅崇禎七年五月初八日信聞賊至欲逃去氏曰不  
可近聞賊過之處賊未掠而鄉人乘間先攫之爾我皆  
逃倘有毀傷將何以報主命乃相與匿舍旁叢竹中賊  
至搜獲之令從行氏抱女仆地不肯起賊舉鐵鎗擊之  
創甚氏推女與信目之使急去乃厲聲罵曰賊奴我欠  
汝一刀耳何用擊我賊怒殺之

霍氏女名小初前給諫文華之裔孫也年十九尙未字

卷之八 列女

五

崇禎七年十一月二十三日賊自祁縣忽薄陞柏女兄  
弟皆踰墮不及顧遂陷於賊賊摔之馬上女大罵滾鞍  
再四賊怒殺之屍橫交衢顏色不改諸生楊渾記其事  
劉氏貢生楊實儒妻舅歿姑老楊任狄道博士以途遙  
不克迎養氏謹事不懈後姑患瘋疾氏奉侍湯藥四年  
如一日姑歿哀毀幾至滅性時楊轉安塞論訃音未能  
即達棺衾殯祭拮据成禮體羸力盡至以疾殞可稱純  
孝矣

丁香生員王瓚婢也貌醜多力崇禎七年十二月聞寇  
至荷担從瓚而逃賊將近丁香勸瓚棄書劍而遁瓚堅  
不從以銀三兩付丁香使速去意謂我男子固無慮賊

耳已而賊擒瓚即取擔中書燒殺之丁香行未遠覘知  
瓚死遂獨身負屍而歸以前銀置棺殯瓚

穆氏生員翟道妻崇禎八年二月賊至往避河灘中賊  
追及逼令上馬氏罵曰我士人妻速殺吾賊忿殺之  
何氏生員任糖妻幼育於伯父昌邑令鳴高聰慧夙成  
女紅而外旁涉書史昌邑嘗手列女傳問之曰女史所  
載不一矣文辯者或鮮冰霜之節堅貞者或乏翰墨之  
長見奚取氏對曰貞一不二者女子性命也無性命豈  
復有形骸乎即文辯奚益焉昌邑歎曰有女如此弟夫  
婦不死矣年十七適糖以賢孝稱崇禎八年七月歸寧  
於曲連屯忽聞流寇渡渭而南倉皇出避與賊遇賊見

卷之八 列女

五

其佳麗逼之上馬時氏有乳媪抱三歲幼子同行恐違  
賊意子必見殺乃佯從馬上遙語媪曰汝自抱兒去我  
不須汝賊喜得氏遂縱媪不追氏度媪行已遠遂倒投  
下馬竄入河河水淺不及膝賊復將涉水取之氏曰吾  
今畏死從汝矣幸授我刀我藉刀柄挂泥中即可出賊  
信其言擲刀與之氏得刀隨舉自刎奈腕弱不能絕血  
流被體宛轉波濤間賊憤極趨前捽氏髮出而捶楚之  
氏坐地上握刀瞋目大罵賊遂奪刀洞胸折脇而去知  
縣楊王休以事聞建坊立祠於西門內春秋致祭仍優  
恤其家

候氏安樂里民趙烈妻夫亡三子尙幼族人利其有將

適之嫁恐其以幼子爲戀一日竟溺其長子於河氏聞之奔救得免因悲咽曰若輩不憫念未亡人而欲禍及遺孤我爲趙家婦卽無子寧肯再適耶誓以死守撫孤勤苦長自強次自免敦行力田並舉鄉賓季自浴暨孫三人皆列鬢序知縣何迥秀表其間

楊氏舉人李瑁妻闖逆入關迥授士大夫以偽職瑁携家匿山中賊至夫婦同憤罵之遂並遇害

燕氏女臨川里人武進士燕鯤化女年十四嫻習書史崇禎末寇至村人皆囂竄女曰均死耳與其暴屍道路何如自殞閨中未幾賊入其家搜獲之牽拽上馬女滾鞍投地罵不絕口賊舉刀恐之女奪刀自刎賊怒殺之

善慶縣志卷之八 列女

美

及收殮面色如生

張氏生員盧思誠妻夫亡翁姑已耄遺孤開象僅一歲氏力勤婦職生養死葬竭誠盡禮口授子訓讀後其子登丙戌賢書

李氏啞柏人年十七適楊某生子丕廣丕棟夫亡氏屏去釵環足不踰戶者三十年後二子連喪又撫幼孫備歷艱辛始終如一

本朝

任氏生員何器妻夫亡撫孤興瑞爲名諸生媳陳氏以孝聞孫年登賢書崇禎八年八月流寇突至任被傷陳罵賊斷臂死知縣楊王休爲請旌任至 國初年一百

二歲知縣樊疑以節壽上聞再予 建坊

曹氏生員孫文光妻順治元年四月大兵入關追勦闖逆氏被禁計無可托因紿之曰我有金帛藏窖井中幸取以從兵喜與俱至井旁氏探身窺井卽倒投而下兵恨無金又兼失婦遂連下巨石擊之而去及文光尋救幸存微息氏張目視夫曰我死爲我亦爲君今欲留我必欲使我終作他人婦乎倘後騎踵至而身辱名敗不玷君甚耶言畢遂縮髻整襟抱三歲女復投井中及文光再呼救則已頸折腦裂而死未幾兵復匝地比鄰婦女多遭荼毒始嘆烈婦之卓見英慘爲不可及也

善慶縣志卷之八 列女

善

孫氏歡樂里民趙進善妻進善家貧寢貌結茅於閭舍之廢若中順治初三賊入其若見氏姿掠之行氏罵不絕口鄰人有在賊中者咸勸氏謂且脫飢寒氏益怒罵遂遇害

劉氏生員吳宗聖妻郟邑選貢劉九成女也順治二年遇山賊於澗河濱張弓露刃氏懼不免拔簪自刺不死遂投河賊入水挾出氏大罵曰我頭可斷身不可辱賊怒拔利鐵貫其膈而死

陳氏陽化里民陳一瑞女適生員張魁斗子爾立順治七年歸寧值山賊夜破其堡携氏出氏曰吾已籠中物矣安能飛去爾姑徐徐吾自隨行耳至城東有池水一泓氏乘間躍入賊不勝憤援戈刺其喉而死邑人惠

誠弔詩有每映波光寒月夜一團清氣透星躔之句  
彭氏生員劉振風之妻貢生劉選之母也順治七年十  
一月二十七日五鼓寇襲破堡氏即起覓死地而幼子  
呱呱牽衣號泣氏慮賊猝至乃拔頭上釵誘兒弄之脫  
身疾趨投井而死

金氏生員任景舜妻順治十二年山寇破堡氏與子俱  
被執中途囑其子曰爾爲男子能贖歸固善否則隨之  
徐圖脫去我當與爾永訣矣遂指賊罵聲罵曰我士人  
妻死即死耳豈從汝賊奴耶賊怒亂刀砍殺之

江氏生員高捷妻平居色笑不苟年十九夫亡誓以身  
殉姑以大義責之氏忍死以盡孝養教其子嗣昌食餼

於岸曾孫輩列弟子員事聞 建坊

楊氏生員袁珽妻幼讀列女傳孝經諸書多所通解姑  
病夜拜北斗願減己算以益姑壽廷亡氏甫二十四歲  
力敦勤儉訓迪二子皆補博士弟子員

侯氏西關里人性剛正年二十適袁某甫十日而夫死  
氏脫簪珥葬其夫事翁姑喪盡禮食貧守節以終身

趙氏張元妻元亡三子俱幼氏斷髮矢志孝事翁姑生  
養死葬不缺於禮撫遺孤明善繼善俱補弟子員

趙氏北斜堡農民張靈妻年二十夫入山砍樵翁從遇  
率僕張有福田間鋤花命福歸家取飯見氏獨居即伴  
醉撲氏氏大怒呼曰我何人奴輩乃敢欺我耶遂舉厨

刀自刎鄰婦王氏聞呼疾往見血流滿地氏已氣絕有  
福亦驚懼而自刎傷而未殊時康熙四年三月八日也  
知縣駱鍾麟廉得實斬有廟於市

盧氏儒童楊聖言妻順治十年聖言病歿時氏年二十  
三生子未及週氏殯夫於堂支貧守志二十餘年及卒  
雙棺同發遠近皆爲感歎

劉氏六渠里民郭潤妻年二十夫沒舅姑俱衰一子在  
抱氏辛勤事育無少忘有親族勸嫁者氏毅然曰吾不  
早從夫於地下者徒以有舅姑在也今舅姑沒而勸言  
猶入以吾爲貪生人耶遂自刎邑令旌以額

王氏六渠里民傅名嘉妻年十九而寡飲水茹苦與姑  
相依以終身

馬氏南集里民張仁妻年二十一而寡剪髮毀容卒完  
清操

王氏生員焦標妻標遊學卒氏年二十八無子與姑任  
氏庶姑李氏三寡相守僮僕各散去值歲歉鬻衣物以  
供甘旨族黨重之爲立嗣

任氏生員李明瑞妻年二十二而寡子永泰未期齡氏  
備歷艱苦織紉以佐膏火卒致成立

喬氏王卿之妻王宦家中落氏歸未久夫歿氏年甫二  
十仰事俯育備嘗艱苦姑寢疾封股和羹以進歿祀節  
烈祠

郭氏邑民溫成章妻年二十一而寡一子甫在抱事嫡母郭氏生母桑氏盡孝已而幼子殤氏撫繼子廷掄如所生後廷掄入泮又夭死遺一女氏為養成遺嫁茶苦終身

武氏孫家堡民王某妻年二十二而寡子傑未離襁褓族人欲奪而嫁之氏自經者再隣媪救免氏乃折一指誓不他適卒育傑子有成

陳氏南旺堡民候才妻常口不舉火有勸氏再醮者正色拒之後子為人備克盡孝養

陳氏寶村里民劉論妻夫沒撫三子皆先氏死氏復撫諸孫成立有遊泮者

蓋縣志卷之八 列女

李

高氏臨川里民趙珽之母也苦志守節前令童旌其門王氏生員趙克俊妻夫亡屢自經密室皆以救免後以伯子為嗣辛勤鞠育得列邑庠焉

吳氏鄉耆某女幼庭弱長適劉某生子甫踰月夫死有欲奪志者氏割髮毀容指天日以示無何流寇亂氏適

上夫塚賊突至氏倉皇奔逃堡城賊以利刃逼之氏舉身赴城壕血流被面一足折賊乃舍去後子宗聖補博士弟子員

安氏生員高嗣昌妾也嗣昌沒氏年方二十借嫡守節

教子向魁賢書官臨江司李子孫繩繩為邑望族  
胡氏輩王錫妻本農家女動合禮教夫沒伯氏夫婦先

亡遺一子未週歲氏無子為伯氏撫遺孤以存輩後鄉人稱之

劉氏適里人司文緒文緒歿氏潛縊樞側家人救甦遺子大柄雖瓶無儲粟而教子不輟翁前明崇禎己卯武舉遺關守備卒於官未得歸榘氏臨終囑子大柄曰必舉王父柩歸葬乃葬我後大柄補邑庠克遵母訓

王氏適仙里民王守質妻年十七適守質事姑以孝聞舉一子康熙辛未壬申間歲大饑道殣相望氏脫盡簪珥僮糶升斗因密與守質議非買身不足以養姑遂同詣會城賣游人家為婢得白銀若干立促守質歸氏即於是夜自刎死

蓋縣志卷之八 列女

李

龍氏南集堡民蘭吉舒妻夫亡撫子子夭復撫孫成立王氏馮尚里民寇允達妻夫亡子幼或微諷之婦曰吾父兄俱明大義吾不能更二夫以辱吾父兄也苦節四十餘年而終

王氏廩生焦珩妻撫孤漢朔入泮氏未享大年而卒鄉黨哀之

景氏邑民趙廷琰妻躬撝作養姑撫三幼子咸克成立會族有狂且屢謀逼嫁氏剪髮矢志卒完柏舟之操崇

祀節烈祠

耿氏邑孝廉王士奇大母也苦志守節入祀節烈祠

張氏生員張利女歸劉澤物夫亡矢志存孤嫂杜撫孤

賈妻趙氏瓚死趙生遺腹子應魁未幾趙亦死氏撫子祥及姪孫應魁成立邑令旌以額曰一門三節  
侯氏傭人辛九榮妻美姿容年十八于歸九榮榮貌陋而癡里人號爲二十稜家貧甚氏織紉供養舅姑康熙三十年大饑舅姑憐氏每託隣媪勸他適以求生氏正色曰饑死事小失節事大終不從後舅姑與夫相繼歿氏爲營葬畢以幼子皂娃屬劉姓遂閉門絕食伏枕而死徵士李二曲先生爲傳記其事

翟氏寶村里民趙瑞徵妻奉姑教子雍正四年 旌

卓氏史尙質妻事姑孝撫三子成立雍正八年 旌

孫氏西關里民薛培生妻苦節守孤及子敬膺鄉薦氏

整肅志卷之八 列女

空

辛勤猶如少年時

趙氏六渠里民邵秉業妻夫故毀容見志後子孫皆以

孝聞俱雍正十一年 旌

朱氏生員朱彬女蔡原里民李文斗妻剪髮誓志事病

姑克盡孝養乾隆四年 旌

王氏與仁里民蔣義妻夫貧通賦氏紡績以完不累里

族遺子復初等四人均賴氏成立

孟氏生員張際熙妻無子取兄子以爲子後繼子亡遺

孫數月氏又撫之成立俱乾隆五年 旌

李氏遇仙里民胡奎真妻矢志不二苦耕織以養舅姑

乾隆六年 旌

武氏舉人張彤繼妻彤父士聰客死母成氏年十八守寡遺腹生彤嚴於督教登賢書無何彤死成淚枯腸斷者累矣武氏奉姑極慰貼撫前子與己子無異紡績供餐賣衣營葬二曲李順爲作孝婦傳記其事其後三子相繼亡門戶遂絕氏年垂七十子然辛苦猶以先世棺散厝慈致失傳爲經營一地聚瘞之迄今塚巋然可辨也乾隆七年 旌

按彤祖附羽附朝妻妾久崇祀節烈彤母成氏姓遺

腹時傳其對父母語曰女不幸爲未亡人又無翁姑

義當死但忍此須臾以待生男則爲張門撫孤生女

則速死耳噫何烈也乃生彤後彤既登賢書矣且生

整肅志卷之八 列女

空

三子矣成氏可擬孟學孔妻享維鳥返哺之樂何子

死諸孫俱不祿豈造化故留後一段以顯武氏之節

孝耶觀武氏暮年子身爲夫家聚瘞棺骸一事與成

氏對父母語後先爭烈直使已覆之宗藉數婦以垂

不朽蓋誌烈女一門瓊瑋劇目美不勝收勿謂徂徠

之外無松渭川之外無竹也

羊氏生員楊聯芳妻事翁以孝聞教子良幹入泮乾隆

八年 旌

侯氏中力里民張守利妻事繼姑以孝撫子以慈氏父

欲嫁之剪髮毀面以示志乾隆十年 旌

田氏蔡原里民孟粹妻無子姑與父憐其年少勤嫁氏

剪髮損面撫嗣子以終身

惠氏黃湖里民霍節妻翁久病藥食棺衾皆氏紡績所

買

周氏黃湖里民符朝善妻撫二齡子守節

王氏辛村里民季零妻族人逼嫁投縵縵絕不死以上

俱乾隆十二年 旌

韓氏大玉里民王加斌妻斌病氏必先嘗藥服事惟謹

及斌死事舅姑屢度奇荒撫子成立知縣趙士灼以貞

心勁節表其門

閻氏生員金生燮妻養老姑育遺子孝慈備至

王氏中力里民商純斗妻夫故已子銘甫八齡前子欽

整屋縣志卷之八 列女

年十一撫孤守節又收養堂姪雍俱致成立欽死遺媳

楊氏鄆縣楊斗女年少氏多方培植之並以節聞以上

俱乾隆十三年 旌

任氏東關里儒童辛範妻康熙三十年遭荒氏得孟粥

先奉翁姑後哺子已嘗終日枵腹及長子夢麟入泮氏

乃逝

李氏邑民任觀吉妻二十孀居遺子甫彌月苦志守節

雷氏大玉里民李大資妻家貧遺子纔數月舅年高中

無伯叔氏以婦代子事舅十八年極盡孝道俱乾隆十

九年 旌

何氏邑民郭復妻苦志守節乾隆二十六年 旌

辛氏生員王雯炳長子更生妻年二十一守節壽九十

有九

馬氏樵家里民呂漢才妻年二十二而寡遺子芳僅六

歲次蕙甫彌月氏鞠育成立孫相邦耀邦登武科鄉榜

俱乾隆二十九年 旌

彭氏徵士李順母也夫可從前明時從總制汪喬年征

闖逆軍敗歿於襄城氏聞難絕粒五日因願方幼稚乃

勉活撫孤家素貧僦屋而居併日而食嘗終日閉戶終

不告艱於人後子顯輝心理學不事帖括人或謂無補

貧窶氏則怡然安之及顯學成名著屢徵不就論者多

整屋縣志卷之八 列女

同氏終南農民范疇妻也前明崇禎末流寇鑽天鶴游

騎入鎮劫掠既殺疇即欲携氏行氏據井大罵賊進逼

之氏歿投入井賊憤甚下巨石擊之氏伏坎斃擊不死

遇救得出乃葬疇撫孤卒致成立俱乾隆三十年 旌

何氏辛村里民桑課妻幼孀事病翁十餘年無懈容

任氏豆村里民尚永淳妻善事姑 又禪定里民張文

秀妻張氏落城里民司承職妻李氏俱苦節四十餘年

待旌

龐氏生員孟良翰妻家故貧姑宿病不離枕席氏侍養

十餘年如一日良翰死氏撫孤成立子姓蕃庶

朱氏昌谷里民呂英妻也夫亡誓不二天夫兄竇因氏

無子利其嫁屢謀逐之氏不從賓乃陰得隔縣民嚴姓銀六十兩令劫取至期日傍晚賓令已婦佯呼氏語甫至庭中忽數十人從旁突入擁氏上馬疾驅氏大呼無一人應者先是氏見賓意叵測預置小刀於裙帶間及至曠野氏知不可脫乃取裙刀自刎其頸遂暈絕墜馬見喉骨不斷者如縷血湧不止眾乃驚散鄰人救甦昇歸取桑根皮搗藥敷之兩月始得活邑令楊繹聞之拘賓及議婚劫取者各懲之為析產立嗣俾完其志復顏其門曰苦節貞操錫山王繩曾有文紀其事

丁氏趙成物妻甫生子而夫亡即欲身殉家人勸其撫育遺孤三年喪服既畢泣曰此兒已免懷抱矣遂託於

整縣志卷之八 列女

表

伯氏自縊死邑令朱旌以額曰從容就義

朱氏里黃里民王姓之妻事姑孝撫孤子有成乾隆三

十四年 旌

符氏昌谷里民周希榮妻翁姑疾病奉養無虧骨肉參

商調劑復合乾隆三十七年 旌

李氏西關里民薛樸妻姑病難飲食轉側俱需人氏晝

夜持扶身心俱瘁乾隆三十七年 旌 又蔡原里儒

童孟錫妻黃氏姑亦病癱氏服勞如李氏三十八年

旌 又府志蓋屋縣尙有趙相福妻陶氏乾隆三十年

旌羅紳妻王氏乾隆三十三年 旌高諦妻張氏何蘭

妻王氏俱於乾隆三十九年 旌

馬氏邑民羅忍妻夫亡守志惡少錢丑娃突入其家語言褻狎氏自縊死乾隆四十三年題 旌並置五娃於法

法

趙氏奉泉里民章文斗妻孝事舅姑撫孤苦節知縣朱表其門

惠氏東關里人王紀妻年二十二而寡遺孤僅四月舅

姑憫其年少家貧勉令再醮有堂姪逼勸尤力氏截髮

刺體以誓值歲饑不粟食者十之七氏女紅易米必精

研以食舅姑子自塾中歸必具食後其子偵母未得食

亦不食卒能樹立伯氏早異居無子氏率其子迎養死

復為營葬人尤義之乾隆五十二年 旌

整縣志卷之八 列女

表

蒲氏終南里民王錫命妻年二十而寡事姑孝教子瑋

不事姑息夫姪亦失恃氏視如己子延師課學俾姪得

遊庠序氏之力也

昌氏東關里民田吉妻撫孤成立備歷艱辛

郭氏邑民徐建祿妻夫亡兄嫂又相繼物故氏念子姪

俱幼乃忍死撫孤終身抗節不渝

金氏原任訓導袁遂子恒齊妻夫亡無子取胞姪洵為

嗣愛如己出苦節純孝學使楊旌其門

劉氏昌谷里民田廣成妻家貧常代隣婦組紉以自活

撫孤成立

韓氏榮村里民武丕烈妻守節五十餘年子綸妻徐氏

亦效姑韓苦節同邀褒獎乾隆五十二年 旌

陳氏故崇安知縣陳範女生員張瓚繼妻也夫故遺子大紀甫七齡家貧僅有薄田數畝氏常節衣縮食為子讀書資後久困童子試或勸以服賈氏曰耕讀二字先夫治命也吾惟知敬守耳曷買為

武氏蔡原里儒童高名揚妻生員武經女年二十而孀遺子甫一歲舅年老性暴惡聲屢加氏婉顏承順絕無怨色比歿喪葬俱盡禮家貧頻遇歲稔日不舉火隣里矜之輒辭不受

李氏東關里民武元士妻歲貢李更生女夫亡氏抱棺泣血節操甚嚴

整肅縣志卷之八 列女

李氏舉人任所式次子達妻守節終身有女無子

辛氏西關里民侯玉良妻撫懷抱子勤紡績致家稍贍康熙辛丑歲大饑大出資以賑親隣之乏絕者乾隆五十二年

張氏西關里民李榮華妻孝慈兼至終身無玷以上皆學使表闕

田氏歡樂里民趙璧妻矢志守節事翁盡孝凡養生送死之具皆氏緝績以供遇儉歲里多糶賊氏夜服男衣携姑衛翁屋賊驚去元孫鵬飛官武信郎

蓋氏生員王布愷繼妻嫁六年而夫歿舅姑既老且病克盡孝養前子家棟方八歲已子家相方三歲氏每衣食必先出後已出課讀孫子相繼遊庠皆氏所成就

也舊志

李氏邑民武陳常妻賦姿真淑恪守女箴夫亡遺子紹方在襁褓夫兄嫂亦歿遺姪甫六月斯時一月三喪二老在堂兩孤在抱家徒四壁氏以一身任諸大事姪三歲而殤氏又以已子繼夫兄嗣後紹生二子兩房皆有後氏之賜也

章氏黃澗里民張維倉妻食貧守志叔嬖逼令嫁截髮示之  
柏氏豆村里民王效誠妻姑老子幼茹荼三十餘年如一日

整肅縣志卷之八 列女

張氏終南里民郝學誠妻舅姑以子亡孫幼鬱鬱成疾氏慰之曰幼孫成人足慰二老媳願竭力以代子職何自苦為翁姑疾頓愈

尚氏山陽訓導孟作舟之子福印妻夫死無子撫姪孫九疇成立

蔡氏里黃里民李延固妻姑奇病祝以身代乾隆五十二年  
尚氏終南里民郝侍臣妻撫週歲子守節知縣朱文炳表其廬曰寒冰獨立 又族人子簡妻陳氏撫伯子為嗣人尤難之乾隆五十二年 旌

又太平里民王鵬妻魏氏與仁里民王智妻張氏奉泉里民李鳳妻王氏與仁里民王廷佐妻胡氏三村里庠生孟見知妻袁氏昌谷里儒童周儀鳳妻趙氏辛莊里

民谷棋妻杜氏昌童武周夢熊妻郭氏奉泉里民樊燕妻  
王氏東關里民林鵬妻安氏俱守從一之志冰雪映里  
党據採訪紳士各道其所知雖錄不及存而諸節孝已  
享高年行且以符例請 題矣因先著其姓氏于簡以

見山川貞淑之氣按軫而生古今人原無多讓也

禮皇里處士劉綸之妻趙氏乾隆九年夫故氏年二十  
二歲年幼無出守節日夜號泣不休欲繼夫亡翁姑深  
為勸止遂堅心守志誓靡他家道艱辛翁姑衰老夫  
弟劉章向未成立年僅十三歲氏晝夜紡績以供不給  
翁姑痛子少亡俱憂鬱成疾氏勤奉湯藥朝夕不怠翁  
疾稍愈始以疾終一切舉喪氏竭力辦理鄉里莫不感

警風縣志卷之八

列女

十一

傷氏夫弟章所生一子劉建寅承挑於氏躬親撫養無  
異建已成入氏請嚴師訓教子或讀書少懈氏必嚴加  
督責其建今以忠厚鄉里呈報陝西提督學政 楊蒙  
准給文芳徽勵俗本學教諭馬賜文誓志靡他訓導劉  
賜文松風傲寒乾隆三十九年題

辛氏東關里民梁朝棟妻夫死奉翁姑盡婦職母家貧  
氏非翁姑命不私遺一物會大雪姑見氏有涕痕知念  
母故給薪水俾往送鄉里咸欽其孝乾隆五十一年題

旌

與仁里監生蔣屠妻陳氏奉泉里田秀妻車氏田受業  
妻陳氏俱以苦節未逮旌而歿志版已竣役採訪偶遺竟

失登錄今年覆覈訛偽復據紳士請始得著名編末幽  
光不泯自幸遇其適歟

毛氏黃潤里生員吳淳妻事翁姑稱孝婦教子克家守  
節四十四年卒待 旌

修補

賈氏蔡原里民許振聲妻夫亡無子撫胞姪為嗣守節  
一十八年卒

警風縣志卷之八

列女

十一

知縣楊儀重修

風俗

冠禮 久未舉行惟明孝廉劉來鳳考朱子家禮一行之後督學曾訪求遺典來鳳具陳儀注擇未冠數人行於醴堂今又廢以下悉本鄉志

婚禮 士大夫之家隆重婚姻納幣親迎遵行古禮至世俗之輩好尚侈靡又有較量財帛以致男女失時更有同姓不檢結為婚姻者蔑禮瀆倫莫此為甚官斯土者宜為禁止焉

喪禮 士大夫之家喪事俱倣家禮而行喪必三年而後易葬有庶墓者其小民之家乃有盛作佛事或名優酬飲者甚有惑於陰陽家言數年不葬者有心世道之君子亟宜訓戒如禮

祭禮 民家多未有家廟惟一二舊家世族有之享祭獻薦與家禮所載尚不甚殊但元旦日奠獻各於中堂懸掛肖像十月一日焚紙錢寒衣冬至日不設主位各於門外焚紙通邑皆然雖知禮之家亦莫能易

疑說 李二曲歷年紀略先生母氏卒哀毀骨立遇七各一晝夜斷食如未斂時或疑遇七之說古禮所無先生行之其猶未能免俗與余曰不然子特未知其故耳按北史魏胡太后父國珍卒詔自始薨至七七皆設千

整屋縣志卷之九 風俗

一

僧齋百日設萬僧齋徐氏讀禮通考曰此說起於釋氏不知何王時用為治喪之禮其見於史傳則始此又李

郭去僧齋說楊垂撰喪禮其一篇曰七七齋日送卒者衣服於佛氏以伸追福此傷古禮宜去之而邱瑛七修類稿又引論衡訂鬼篇謂即術家解穰之法凡此皆為

俗流之溺惑者言之也夫所惡於七七者為其徇異端蔑經曲耳若僅晝夜斷食如未斂時而絕不以俗習泰乎其間則正孟子所謂親喪自盡者耳又况虞祭有七之義先生行事何嘗不一準於禮乎 又封氏見聞記

紙乃後漢蔡倫所造其紙錢魏晉以來始有其事今自王公逮於匹庶通行之矣古埋帛今紙錢則皆燒之所以示不知人之所為也戴填鼠璞自漢以來皆有瘞錢

後里俗稍以紙寓錢亦明器也與塗車芻靈何異非謂果資冥福也鶴林玉露孝宗時言官以俗用紙錢始於釋氏恐非聖世所宜上怒曰邵堯夫何人祭先亦用紙錢豈生人處世如汝能日不用一錢乎堯夫用紙錢中

孚週七日事頗相類故并及之士習 多尙古好義質樸不事文飾輕易不謁見官府即宦成之後亦節儉如鄉人

農務 東鄉有水田西南多旱地種稻粟菽麥以為食菜麻布帛以為衣積其所餘以供正賦以資用度故三時胼胝終歲勤勞

整屋縣志卷之九 風俗

二

商賈 花布米粟及釜甑饅餅等物多土著之民自行販賣至行鹽販木及開張紉緞皮草皆屬晉人蓋民家無長物故也

工匠 邑處偏僻並無外來奇巧工技梓匠輪輿釜甑瓦墁之屬皆土著之民爲之雖鈍拙亦堅朴可喜

女紅 紡棉績麻人人能之刺繡多未嫻也貧家汲泉炊糞辛苦倍常而稍裕之家其婦女常乘輿騎馬往來親戚之家又復有成羣結伴焚香拜廟而絡繹於道甚傷禮教守土者宜禁焉

正月元旦雞鳴起設香案牲果盛服拜天地拜竈拜祖宗主後拜父母伯叔兄長每族數世祖考共爲畫像衆

整肅志卷之九 風俗

三

會拜畢共歡飲日節坐遲明出拜親友飲食交會

二日各親黨以麪食豚肉相饋卑多往尊

五日作紙婦持帚負雜穀袋棄周行日送窮

元宵懸絲燈於門首先代神主前亦設燈燭小兒騎竹馬奔走馳逐隨以金鼓遊街巷或至夜分不息亦有合數十人各釀金於廟中演戲賽神家各置麪繭相與飲酒宴聚

二十日置麪餅屋宇上下補天地

二十三日少者作百歲老人狀曰擺社福又曰過不當婦女此日會坐閒遊不操工日忌不當又剪紙爲僧佛樣貼之門首曰揚旛

二月二日用炭圍庄牆外曰備莊

花朝日浴佛諸節惟雅士相會宴飲

三月清明前一日寒食各家具牲醴詣祖墓祭掃或學壺陽擇名山泉石處列坐暢飲謂之踏青又刑牲禱豐年金鼓徽旂俱備曰遊水婦女多以軟韃爲戲

穀雨日多以黃紙小帖繪蝎形於其下以硃書八威吐毒猛馬馴張字於其上用錐刺之云能除蝎或書帖贈親隣

四月四日多摘皂角樹葉佩之相傳以爲能去目疾婦女戴佩者尤多

五月端陽節食角黍飲雄黃酒婦女小兒多以錫及磁石製爲各種花獸以絲線貫之繫於項下名曰百鎖或以綾帛縫以小角下復縫一嬰兒相聯繫之名曰耍娃娃族黨姻戚皆爲工巧以相問遊

整肅志卷之九 風俗

四

六月六日拜墳墓亦夏祭意以小麥莞豆芝蔴相雜爆熟食之呼爲豆子或貯大瓮中亭午汲泉注之彌月不壞罨而藏之名曰神曲云以釀酒最佳凡新嫁之女其父母多於是日餽紗葛夏服之類於婿家

七月七日婦女以莞豆灌漑生芽名曰巧頭至夕設瓜果祭於中庭以乞巧

十五日中元日俗稱鬼節多設齋薦先

八月中秋日送月餅瓜果設酒食少長相聚於昏定後

宴飲曰賞月

九月重陽日以麩為餅層疊累之至十數葉中雜以棗蒸之為餌副以新柿競相餽送亦有相率携酒飲於陵阜之間名曰登高

十月朔日設饌祀先焚紙於門外名祭麻姑

十一月冬至士人拜闕及先師先生族親往來交拜約如元旦儀節相傳以為尊周朔之意

十二月五日食五豆粥避瘟

八日五更時以粳米為飯雜羊豕之肉食之隣人亦相

餽送名曰臘八粥是日作酒曰臘脚石凍春此日造

二十三日夜設竈主於竈匣祭之謂之送竈元旦五更

整屋縣志卷之九 風俗

焚黃紙於竈匣謂之接竈

除夕家各會飲守歲更桃符作帖設歲燕爆竹之聲達旦相聞

整屋縣志卷之十

知縣楊儀重修

物產

穀屬

黍 [馬志]有飯黍酒黍兩種類有紫蓋黍有單籬糜有鷄鶩卵有牛尾串其黑者曰秬曰秠其黏者釀酒關東所謂黃米酒也不黏者炊飯關西所謂黃米飯也

稷 [馬志]其名有竹葉青有牛尾黃有紫稷有棒杆穗有櫟花穀有狼尾有驢尾稷之黏者曰秠秠有野雞紅有紅猫蹄有白猫蹄有猪矢黑有老來變有隔溝拖然大率黏不黏兩種黏者釀酒不黏者炊飯關中所謂粟

整屋縣志卷之十 物產

米小米穀米者皆是 郭璞曰天下所謂粟米正稷也故今於稷之外不更列粟

稻 宇林云糯黏稻也可釀酒秠稻不黏者又曰稷三川俱產有線稜者佳

梁 [馬志]青者為青梁白者形如芝蔴為白梁亦曰芝

蔴梁白梁即芭赤梁蔴也黃梁穗大毛長謂之竹根黃

小麥 [本草拾遺]出中南者為上品

大麥 [馬志]以二曲為佳有早熟者三月輒可食穗有

六稜者為六稜麥有紅皮者為酒麥

青稞麥 [王植農書]有大小二種似大小麥而粒大皮

薄多麵無莖

蕎麥 [廣羣芳譜]種則實多稀則少八九月熟惟畏

霜

大豆 [馬志]以二月中旬種者為上

赤小豆 [本草綱目]枝葉似豇豆筴比綠豆筴稍大三

青二黃時取收之

綠豆 [開寶本草]圓小者佳大者名植豆

豌豆 [廣羣芳譜]一名華豆一名胡豆

豇豆 [廣羣芳譜]莢有紅白紫赤斑駁數色生必兩兩

並垂

菽豆 [廣羣芳譜]一名沿籬豆一名蛾眉豆子有黑白

赤斑四色

脂麻 [本草綱目]有遲早二種黑白赤三色有四稜六

整屋縣志卷之十 物產

二

稜七稜八稜者皆隨土地肥瘠而然

麻子 [本草綱目]一名漢麻以別胡麻也爾雅翼麻之

屬總名麻別而言之則有實者名苴無實者名臬

薏苡仁 [本草綱目]有二種粘牙者尖而殼白白色如

糯即薏苡也圓而殼厚堅硬者即菩提子其米少即粳

糲也產東鄉者佳

木屬

松 [通志]產終南山白骨者為上

柏 [賈志]昇天臺有繁牛柏再生柏

桐 [三輔黃圖]青帶觀有三梧桐樹白香山尉盤屋時

有詩云忽見紫桐花悵望下邳明日是清明

梓 [史記]秦文公二十七年伐南山大梓梓之美文者

曰椅

楸 [秦風]終南何有有條有梅陸璣疏條楸也今山楸

桑 [鄒志]陳榕門撫軍大興德政乾隆十三年知縣鄒

備買地築園栽種桑秧今尚有數種葉沃者曰沃桑不

實可飼蠶

檜 [西京雜記]上林苑檜十株今無

栂 [秦風]終南多栂

榆 [西京雜記]上林白榆十株

槐 [秦符]堅載記自長安至諸州皆夾路樹槐

檀 [上林賦]檀檀木蘭

整屋縣志卷之十 物產

三

楓 [上林賦]注脂可以為香

楮 [毛詩集解]其下維穀穀即今之楮樹皮可作紙實

人藥舊志田荒蕪久則楮自生

楮 [上林賦]注楮似拾葉冬不落

柳 [通志]金線者園圃多蒔之

檉 [大雅]其檉其柘毛傳山桑也一名文章樹亦可飼

蠶

棧 [鄭箋]棧白棧

樸 [大雅]芄芄棧樸毛傳樸枹木也

冬青 [盧多遜詩]太液池邊看月時好風吹動萬年枝

指冬青也

皂莢 名醫別錄 生山谷如豬牙者佳

枸杞 西京賦 黑水元注樹以枸杞注即榎木也

石楠 韓保昇本草重注 終南駱谷有石處甚饒

樗 詩傳 惡木也又考山樗

櫟 陸疏 秦人謂柞為櫟五柞宮有五柞樹

荆 漢郊祀志 以牡荆畫幡

棘 通志 一名棘針一名棘刺

琵琶 李紳集詩注 駱谷生花明豔似杜鵑花樵者識之曰此名琵琶早花殺人無今

花屬

牡丹

廣羣芳譜 開元中始盛

海棠 閱耕餘錄 秦中有雙株海棠其高數丈與江淮所產者絕異

辛夷 通志 一名辛雉一名木筆蓋郢有之

紫荆 略志 有紫荆白荆二種

紫薇 周咨錄 一名百日紅

梔子 上林賦 鮮支黃櫟註曰鮮支梔子也

杜鵑 廣羣芳譜 一名紅躑躅王建宮詞勅賜一窠紅

躑躅承恩未了報花開

木槿 玉右丞詩 山中習靜觀朝槿

山茶 終南有之

蠟梅 通志 檟觀有磬口素心二種

迎春 通志 一名金腰帶

丁香 夢溪筆談 卽雞舌香

草屬

薜蘿 上林賦 被以江離糝以薜蘿

薰草 上林賦 掩以綠蕙

菝葜 上林賦 菝葜衡蘭注曰一名芑與香草也

留夷 上林賦 雜以留夷注曰留夷辛夷也李善曰香

草

芑藥 范子 出三輔

蘭 西京雜記 漢時池苑種蘭以降神

萱 說文 萱名忘憂

蜀葵 陳虞繁蜀葵賦 惟茲珍草懷芬吐榮挺河渭之膏壤吸鼎井之元精

玉簪 宛委餘編 武帝龍李夫人取玉簪搔頭後宮皆效之

芙蓉 舊志 有紅白二種

菊花 澄懷錄 終南吾老洞有墨菊其汁如墨

秋海棠 通志 一名八月春

薔薇 長慶集 王質夫所居曰薔薇澗香山移補署中有花開將爾當夫人之句

菖蒲 黃圖 漢宮有百木

馬蘭 本草拾遺 生澤旁如澤蘭而無香

符 唐百官志司竹監歲以符供尚食竹詳見古蹟

椒 通志卽花椒

薑 上林賦芷薑藜荷注曰此薑卽子薑也

韭 茹草編生終南味異他處

葱 通志有冬漢胡荽四種

蒜 伏侯古今注菲蒜也俗謂之小蒜十子一棟者名

胡蒜 俗謂之大蒜

苜蓿 天宛傳離宮別館旁苜蓿極望

蓬蒿 羣芳譜一名同蒿

白菜 茹草編黃粉無絲者佳經霜愈美所謂秋末晚

整屋縣志卷之十 物產

六

菘

芥 通志整屋次之

苣 山家清供馬齒苣味寒五色者號五行菜

菠薐 嘉話錄本自頗陵國流入秦川中國語訛可性

冷能解酒毒

薇 舊志整屋頗佳

蕨 明皇雜錄高力士詩曰京西作觴賣五溪無人採

薺 爾雅薺莫大薺也

芹 終南者佳

菘 名物解葉香可食

芋 酉陽雜俎天芋生終南

蘿蔔 唐本草嫩葉爲菜生食

山藥 舊志失載

萹苳 墨客揮犀自高國來故名

王瓜 本草綱目名胡瓜

瓠子 通志整西郭之瓠早茹

茄子 衍義出新羅國

木耳 駱志生終南木上如耳可食

紅薯 鄒志一名甘薯又名番薯食之益人脾胃碾乾

爲末以熱水泡之卽可成羹種皆桂林陳撫軍所遺

果屬

桃 圖經本草陝西者大而美整屋少佳

整屋縣志卷之十 物產

七

杏 西京雜記上林有文杏

李 耕桑偶記終南山有好李

梨 舊志梨間重至劬難久貯

奈 本草綱目有白赤青三色皆夏熟關西人以赤奈

楸子取汁塗器中各果單曝書亭集謂是蘋果又卽名南

甘棠

枳椇 小雅陸疏其狀如櫨官園種之謂之木蜜奈中呼爲

枳椇

蒲萄 黃圖上林西有蒲萄宮

棗 整屋甘美

柿 出豆村者佳

安石榴 重至筋者難久貯

栗 三秦記御宿園出栗十五枚一升

榛 禮記似栗而小

胡桃 通志開元中胡桃肉十錢一觔

藕 出終南鎮

葶藶 日用本草小者名鳧茈大者名地栗

西瓜 蓋產少佳

甜瓜 通志色有青綠黃斑

藥屬

紅花 鄒志土產以紅花為第一賈人號為盤花無今

芍藥 長安志蓋屋產芍藥白芷烏頭澤瀉

天麻 夢溪筆談赤箭即今之天麻

紫參 范子一名杜蒙唐方技傳姜撫言終南山有旱

藕餌之延年狀類葛粉石曉衛將軍甘守誠能各藥石

曰旱藕杜蒙也方家久不用撫易名神之

黃芩 圖經本草黃芩柴胡升麻陝西諸縣皆有之

蛇牀 別錄陶注花葉似薜蘿

蟬蛻 通志西安處處有之

白芷 舊志白芷香附紫蘇各鎮俱出

菴間子 名醫別錄生川谷十月採實

茵陳 本草拾遺蒿經冬不死因舊苗而生故名

口華 本草山南山嶺上一名石茵陳

半夏 槐里者佳

欵冬 唐本草出南山溪水

連翹 唐本草長安惟用大翹子不用莖花

天南星 通志出渭南石鼓山者良天門冬隨地俱出

金銀花 本草綱目一名鴛鴦藤

黑白丑 俗名牽牛郎

烏藥 入粥食能解腹冷不獨作麩用也近多種之相

傳煮食時須一火而就若加添生水食之有毒

厚朴 山谷往往有之

山茱萸 范子出終南谷中者良

元明粉 本草綱目唐明皇開終南山道士劉元真服

食多壽詔問之元真曰臣按山經修煉朴硝號元明粉

上服此方可無病長生通志馬牙硝可煉元明粉

貨屬

布 舊志邑民多衣褐細布則買諸會城

木棉 通志種自外蕃入

炭 出山谷中民以佐稅贍家

漆 西京雜記上林苑蜀漆樹十株

蜜 鄒志窮民依山求食往往割漆與蜜至市鎮貨之

瓦器 舊志皆土著之民為之雖拙鈍不堪然亦堅樸

可喜

紙 舊志為紙則有構楮